

# Fason pou Aplike pou Lojman Bon Mache:

Kisa sa vle di yon lojman "pa twò chè"?

Yo konsidere lojman an pa twò chè lè fanmi pa depanse plis pase anviwon yon tyè nan revni yo pou lwaye. Si yon fanmi oblije depanse plis pase yon tyè nan revni l pou lwaye, yo konsidere fanmi sa a kòm yon fanmi ki "gen fado lwaye."

KOTE POU OU

Kòmanse fè rechèch lojman ki pa twò chè ou a sou [nyc.gov/housingconnect](https://nyc.gov/housingconnect)

KISA POU FÈ


## 1 GADE

Jwenn lis lojman ki pa twò chè syo ou Housing Connect oswa nan journal.



## 2 ENFÒME W 3 APLIKE

Enfòme w sou kondisyon pou kalifikasyon ak aplikasyon yo.



Enskri epi aplike sou entènèt oswa veye aplikasyon ou a pa lapòs.



## 4 TANN epi PREPARE

Sa ka pran 2 a 12 mwa pou trete aplikasyon yo.



## 5 KALIFYE

Si yo chwazi w, veye dokiman konsènan kalifikasyon ou



## 6 SIYEN oswa REYAPLIKE

Lwe oswa achte si ou kalifye. Si yo refize w, ale nan kontestasyon oswa aplike nan lòt.



Pou plis enfòmasyon vire paj la oswa ale sou entènèt nan: [nyc.gov/housingconnect](https://nyc.gov/housingconnect)

## 1 GADE



### Jwenn Lis Lojman Ki Pa Twò Chè yo

Ale sou sitwèb NYC Housing Connect pou ou wè tout ansanm abitasyon k ap resevwa aplikasyon yo. NYC Housing Connect menm gen apatman lojman ki pa twò chè ki tou disponib nan moun moun ki te okipe yo a ap demenaje—yo rele yo apatman k ap relwe: [nyc.gov/housingconnect](http://nyc.gov/housingconnect)

Rele 311 epi mande Liy Dirèk pou Enfòmasyon Lojman Ki Pa Twò Chè.

Chache piblisite nan journal ak afich nan sit konstriksyon yo.

Kontakte òganizasyon kominotè, tankou Anbasadè Lojman yo, pou ede ou. Chache yon lis Anbasadè sou sitwèb HPD a:

[nyc.gov/housing-ambassadors](http://nyc.gov/housing-ambassadors)

### Li Piblisite a ak Anpil Atansyon

Ansanm abitasyon lojman ki pa twò chè diferan gen kondisyon kalifikasyon diferan. Ou ka tonbe nan diferan kategori pou diferan ansanm abitasyon, selon kantite moun ki lakay ou ak revni ou.

## 2 ENFÒME W



### Verifye pou Wè Si...

- revni konbine total fanmi ou twouve l ant limit minimòm e limit maksimòm yon ansanm abitasyon. Chache gid enfòmasyon HPD yo, pami yo Gid sou Revni an, sou: [nyc.gov/hpd/findhousing](http://nyc.gov/hpd/findhousing)
- fanmi ou satisfè kondisyon konsènan dimansyon apatman ansanm abitasyon an.

- ou bezwen èd pou konprann istwa kredi ou. Ale nan youn nan Sant Endepandans Finansye Vil la pou ou jwenn plis enfòmasyon: [nyc.gov/talkmoney](http://nyc.gov/talkmoney)

### Chache konnen si ou kalifye pou yon preferans. Gen kèk apatman ki rezève pou moun ki...

- gen yon andikap ki anpeche yo deplase, tandè, ak/oswa wè.

- k ap viv nan kat (4) minisipalite yo.

- ap viv nan menm Distri Kominotè a ak ansanm abitasyon an. Jwenn pa w la sou: [communityprofiles.planning.nyc.gov](http://communityprofiles.planning.nyc.gov)

- travay pou Vil New York.

## 3 APLIKE



### Aplike sou Entènèt

Kreye yon kont sou NYC Housing Connect: [nyc.gov/housingconnect](http://nyc.gov/housingconnect)

Depi ou aplike, responsab ansanm abitasyon yo ap wè pwofil ou an tan reyèl, se poutèt sa li enpòtan pou ou mete pwofil ou ajou nenpòt lè sityasyon fanmi ou oswa revni ou chanje.

### Aplike Pa Mwayen Lapòs

Suiv enstriksyon sou piblisite yo pou ou fè yon demand aplikasyon pa mwayen lapòs.

Reponn tout kesyon ki nan aplikasyon an dapre tout sa ou konnen. Fo enfòmasyon oswa enfòmasyon ki pa konplè kapab diskalifye ou.

Siyen epi date aplikasyon ou a, sinon yo ka refize li. Voye aplikasyon ou a avan dat limit la.

### Chans pou Yo Chwazi Ou Rete Menm...

- kit ou aplike sou entènèt oswa pa mwayen lapòs.

- kèlkeswa lè ou voye aplikasyon ou a, depi se avan dat limit la.

## 4 TANN epi PREPARE



### Rete Tann Pandan Yo Ap Travay Sou Aplikasyon Yo

Aprè dat limit la, yo ap mete tout aplikasyon yo nan yon lòd owaza epi yo ap ba yo yon nimewo rejis.

Responsab ansanm abitasyon an ap li yo nan lòd nimewo rejis yo ye a (l ap kòmanse ak moun ki satisfè kategori preferans yo) epi l ap kontakte moun ki aplike yo. Ale gade etap 2 a pou jwenn lis kategori preferans yo.

### Prepare Ou Pandan Ou ap Tann

Yon pwopriyete kapab resevwa anpil milye aplikasyon. Ou ka tandè enfòmasyon sou sityasyon aplikasyon ou a nan de (2) a dis (10) mwa aprè dat limit la. Itilize tan sa a pou prepare ou pou fè renewel kalifikasyon ou:

- itilize gid enfòmasyon HPD yo: [nyc.gov/hpd/findhousing](http://nyc.gov/hpd/findhousing)

- kòmanse konsève dokiman nan NYC Housing Connect la: [nyc.gov/housingconnect](http://nyc.gov/housingconnect)

### Sonje Ou Kapab Pa Resevwa Repons

Tèlman gen anpil aplikasyon, yo ka pa rive kontakte ou, menmsi ou te kapab kalifye. Gen plis chans pou yo kontakte ou si ou resevwa yon nimewo rejis ki ba oswa si ou kalifye pou yon preferans.

## 5 KALIFYE



### Fè Egzamine Kalifikasyon Ou

Si nimewo rejis ou a monte, responsab ansanm abitasyon an ap kontakte ou pou ou voye dokiman yo. Se pou konfime ou satisfè kritè kalifikasyon yo.

Reponn imedyatman, paske plas yo limite, epi se kèk jou ouvrab w ap genyen sèlman pou ou voye dokiman yo.

Lè ou resevwa yon demand pou egzamine kalifikasyon, sa PA garanti ou ap resevwa lojman ki pa twò chè pou sa.

### Voye Dokiman

Demand responsab ansanm abitasyon an ap gen ladan li lis tout dokiman ou dwe bay yo. Prepare ou bonè (al gade 4e etap la).

Si ou te aplike sou entènèt, ou kapab telechaje tout dokiman ou yo nan Housing Connect, pou ou pataje yo ak responsab ansanm abitasyon an dirèkteman. Si ou te aplike sou papye, yo ap mande ou pou livre dokiman ou yo oswa voye pa mwayen lapòs.

### Rete Tann Konfirmasyon

Aprè responsab ansanm abitasyon an fin verifye kalifikasyon ou, HPD oswa HDC ap egzamine dosye ou a pou gade si li kòrèk. Responsab ansanm abitasyon an ap kontakte ou si gen kesyon.

## 6 SIYEN OSWA REYAPLIKE



### Finalize lwaye a oswa acha a

Si yo jwenn ou kalifye, yo kapab ba ou chwa pou ou siyen yon kontra lwaye oswa chache achte

### Konteste Desizyon an

Si yo jwenn ou pa kalifye, yo ap voye yon avi refi ba ou. Si ou pa dakò, suiv enstriksyon sou avi refi yo pou ou konteste desizyon an.

Ekri pou ou eksplike rezon ou ki fè ou kwè refi a se te yon erè epi bay dokiman ki kore kontestasyon ou a.

Responsab ansanm abitasyon an ap kontakte ou konsènan rezilta kontestasyon ou a. Si ou pa dakò, suiv enstriksyon sou avi refi kontestasyon an epi voye yon plent nan HPD oswa HDC.

### Aplike pou Lòt Opòtinite

Pa dekouraje si ou pa kalifye pou yon ansanm abitasyon. Toujou gen nouvo opòtinite lojman ki pa twò chè, epi ou kapab aplike valè fwa ou vle.